

JOPPAADI

0 ga na a faayi nan ti saran xabiilanun doronde do I taqu tinamto ya na du-kiteye, telepontaaxun do jamun gondoman **ɲa** duna noxo.

0 ga na a faayi nan ti soron taqun turvinbalaaxun do i roxomaxantaaxun

yan **ña** sababu xonintan gollu **ñanɲen** dunasu maxa. Ken ya ni haadama renmum su ga natene do kiya kurunba be i ga digaamunu, i ga batiini ti i sago, i xannun laabanto kannu do kori su da.

0 ga na a taayi nan ti haadama tenmun taqun nan siri tangeene ti tanka teleponte kuudo a nan maxa fiite katta gollu burn **ñanɲen** do marandi moxo bure.

0 ga na a faayi nan ti mejanɲaaxun nan siri **ñaana** jamaanun naxa.

0 ga na a faayi nan ti Duna feddi xoreen da sigira xerexerente kini haadama renmum taqu i sigindi kayitin noxo, a doronden do seren xanuye, xawancaaxu yugun do yaxarun naxa.

0 ga na a faayi ti jamaanu ku ga kafim i ga da laayidun raga nan ti i wa sikki do haadama renmun taqun koroosinden batte.

0 ga na a faayi nan ti a su nan siri me-mukku taqun do du kiteyen ga ni ke be.

Batu xoreen

da haadama renmum taqum doronden dantaqiye duna noxon bagandi kuudo saran xabiibanun su, jamaanun su na **ña**, ken dinman **ɲa**, sere su ma kafo na ke danteqiye toqo i kiilu kuudo ti xaranyunden do arayinde jamaanu na katta soron taqun tangana.

Tonte fana

Haadama renme su saareyen **ɲa** an na du-kitten **ña**, an nta sere komaaxu, an do soron su yan yekka dorontaaxu do taqu. Haqilen, wa sere su, a do soro kuttu nan siri terene doome kappalengaaxu kanma.

Tonte 2

Haadama renme su raawa i taqun su wuttu xo ke danaqiya kayiti ga da a ko moxo be. Xabiila, fate, yugo ma yaxare, xanne, diina, politikin kaara, ma wariyu tana a ga giri a jamaane, a dingira, a kiteyu, a saareye ma sigira tana, ku su ra nta a kabana i taqun wuttu.

Po ra nta bakka sere taqu na a saxu a ga giri jamaane be, dingira be ti ken jamaane ni maranden ya, ma a nta i yinme kitte.

Tonte 3

Bireye, du-kiteye do an yinme tangarjen wa kappa haadama renmen taqu.

Tonte 4

Sere su ra nta **ñaana** kome, komaaxun do komo gaaganden danbe su kabanton ya ni.

Tonte 5

Sere ra nta haadama renme su toorana, na a mamandi kuudo na a roxondi.

Tonte 6

Sere su, noqu su raawa i seraaxun bagandini xo killen ga da a riti moxo be.

Tonte 7

Killen kaaran **ɲa**, a su nan yekka, killen na a su tangana moxo baane ke ya. Fo wo fo su do ke dantaqiye ga bogu me wure, soron su nan baana i ga i tangana. Katta ken **ɲa** moxo be.

Tonte 8

Killen ma sariyanun saaxaman ga da taqu beenu kini seren **ɲa**, i ga **ñi** a mulla i na fo bagu i ya, sere so raawa deemande muurunu kiitiraanu.

Tonte 9

ra nta sere su ragana, na texi kaso ma na a bagandi jamaanen **ɲa** xafu kanma.

Tonte 10

I ga na fo tiifi sere ya, a nan siri i xibaaren dantaqini kiitira be ga nta saafandini, soron su jon **ɲa**, kiitira ke na a taqun do a waajibinun koyi ma a na ko a ga boxu noqu be.

Tonte 11

Golli bure su ga tiifi haadama renme ya, in siri a ragana xo a ga ma fo dabari ma I ga na a kiiti bire be jaman **ɲa**, fo ga ma bogu a taqun **ɲa**.

Toɲen ra nta xenne haadama renme su kanma selli gollu ku dabari dinma jamaane ma jaman falle sariyan ga ma golli bure wari a yi. Fo ra nta kappa killen ga da toge be ko.

Tonte 12

Sere su ra nta roono, fo koono an funen bire moxo, a kore, a kan xibaare ma na a bataaxun xara selli a ga ma an **ñamari**, a ra nta a roxondini xadi. Sariyan nan siri sere su tangana katta kun baqe, ken xa wa kappa sere su taqu.

Tonte 13

Sere su raawa terene moxo be gan liɲo a dan **ɲa** jamaanen noxon **ɲa**, a raawa i kan sigindini noqu be i ga a mulla.

Sere su raawa bakka jamaane, xari a yinme jamaane, a raawa yillene katta i jamaane.

Tonte 14

I ga da sere su bitta, a raawa telle moole jamaane tana.

Ke taqe ra nta a kisini selli a ga da golli buren ya **ña**, selli a ga da golle dabari a do Duna Feddi xoreen sariyan ga bogu me wure.

Tonte 15

Sere su nan siri kappa jamaane soron **ɲa**.

I ra nta sere su bakka jamaanen soron **ɲa** a ga ma soxu fo wo fo su kanma, i ra nta kabana dubakka jamaane soron **ɲa** katta jamaane tana.

Tonte 16

Yugo do yaxare ga na yexu бага, i raawa yexini me ya, na ka sigindi. I ga nta xabiila, jamaane ma diina baane ra nta ken kabana. Yugo ke do yaxare ke yan baana taqu yexu ke noxon **ɲa** ma ga na bogu.

Yexun **ñaana** yugon do yaxaren **ñaamariyen** kanma.

Kan ya ni jamaaren soron gondoman **ɲa** fankan nan siri a tangana.

Tonte 17

Sere raawa naabure kitta, a ga **ña** kafon **ɲa** ma duran naabure.

I ra nta sere naabure buusunu a yi xafu kanma.

Tonte 18

Sere su raawa sinmene moxo be gan ligo an dan ɲa, na ro diina. Ken taqe yan sigi, a ga raawa gilli ke diina katta baane tana. A raawa i diina bagandi sellan ɲa, a baane ma a do soro tanani, ma a kan noxo, a raawa a xaragundini, nan bati.

Tonte 19

Sere su raawa xibaare walla moxo be gan ligo a dan ɲa, na kun wariyu bagandi sellan ɲa. Ken wure ni ya sere su raawa wariyu kitta, na a muuru, ma na a sanqi noqu su, moxo su, i ga nta an tanpindini.

Tonte 20

Sere su raawa soro kappa me man na fedde taaxundi.

I ra nta sere su rondini fedde ya a ga nta a ligun ɲa.

Tonte 21

Sere su yinne raawa kappa jamaanen xibaarun ga ku beenu maxa, ma a faari taaxa be a ga a suga.

Jamaanen saare renmun su nan baana taqu kuudo nan golli fankan da.

Jamaanen soron ga ke be mulla ya ni fankan gondoman ɲ. I ga ke be mulla, I nan siri a bangandini ti sugandindi laabante.

Tonte 22

Sere su ga kappa jamaanen soro, a nan siri daxa kitta. A gan siri foonu beenu kitta katta kuureye, kuudo fo nan maxa bono a saraaxun ɲa, ti jamaane ma jaman falle deemande kun kappa a taqun ya.

Tonte 23

Na golle kita, na angollen suga, na a dabari xanne liɲe, na an tanga gollinbalaaxu kun su wa kappa sere su taqu.

Soro ga na ɲi golli baane dabarini, I nta fuɲoono me ya tugaadi.

Sere su ga golliɲaɲaana, a nan siri tugaadi kitta ya a do i koren ga katta bireene ti a yi sutura noxo.

Sere su do soro tanani raawa kafiini na golliɲan fedde sigindi, ma nan ro golliɲan fedde kuudo na i taqun tanga.

Tonte 24

Nan tuuma, na an feten bogu me wa kappa seren taqu, na xenpa kita golliɲan do tuuma waxitinu a ga nta kaara su toorono.

Tonte 25

Na feere kita kuudo an do an kore na bire moxo sire kita, yonki saha, yigande, feetu fatande, hire noqu, jaare noqu a do koroosindu beenu kan gan siri i kitta. Na a deema selli a ga nta gollini, kaagumen ga na-bono ma selli a ga ra ntaxa du birandi a sago ga fe.

Saareye do lemiɲaaxu nan siri koroosindi daritante kitta lemine su a ga saare kacce ma a ga ma saare kacce, i sun siri tangene moxo baane ya.

Tonte 26

Sere su nan siri xaranga, xaragunde ke jonko nta a yi xarankonpo lenmu ki. Haadama renme su nan fatanta xarankonpo lenmu ku. .I nan gollen tuwaaxun xarangen ntalan wuɲini katta haadaman ɲa. Sere su tuwaaxun ya na an rondini meyisi xooro ku.

Xaragunde ke nan siri seraaxun ya wundunu na haadama renmen taqun do i doronden tuwindi. A nan siri me-faamunde, yanpanden menjanɲaaxun ya roono jamaanun naxa do saran xabiilanu, diinan kafonu. A nan siri Duna feddi xoreen gollu katta jamu kuurandini.

Saaraanon fina yan sugandini lemunun dan ɲa xarangen kille.

Tonte 27

Sere su taawa kappa taaxen laadan xibaarun kuurande, nan taawe i bogu dinma su nan kafi i kuurandi munnafa.

Sere su raawa i gollen munnafan tangana, a ga ɲa safande, laadan xibaare ma fo tana.

Tonte 28

Sere su wa wulla jamu nan ɲa i jaman noxo do jaman falee kuudo taqun do du-kiteyu beenu ga koɲi ke dantanqirji kayiti noxo nan sabati.

Tonte 29

Waajibinun wa seren da katta jaman ɲa, ken noxon ɲa, a du-kiteyen do a seraaxun kuureyen baane yan katta ɲaana.

Sariyan da xenpa ɲa kuudo sere su nan maxa dangi i taqun do i du-kiteyu.

Ku taqu do ku du-kiteyu fa nta ɲaana selli i do Dun Feddi xoreen anniyun ga nta telle doome.

Tonte 30

Ke dantaqiyi kayiti tonto ku ra nta ɲaana jamaane, kafo ma sere su dan ɲa kille kuudo na seron taqun do I du-kiteyun bonondi.

Duna feddi xoreen duɲe na dantaqi i batu xoare. Taagumansen ga ni 217 (III), a ga wuti Desamburu 10, 1948 siine